



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XIX. Die Ianvarii.

urn:nbn:de:hbz:466:1-9625

P. FRANCISCVS
GARDINERVS.

Anglus in
Anglia 19.
Ian. 1648.

Purgat.

Crucef.

Pij candidique ingenij laude amabilis; quicquid arduum occurrebat, presentissima bonarum in Purgatorio animarum ope fultus aggrediebatur. Si quid periculi ingrueret, si obstinatus quispiam animus ad deponendum odium, vel conscientiam expiandam molliendus, si quid domi forisue petendum, vel vitandum, omnia se posse sibi persuadebat, si se pro illis vindicandis diuinâ hostiâ litaret, si preces funderet. Nec illum

fallebat spes experimentis vtilibus confirmata. Fuit cum Sacram hostiam ægro ferens, in exploratores, imò apparitores, incidit. Illi saccos, vestes, omnia perscrutati, iam extrema minabantur, vt omni planè ad lineam vsque subuculam veste illum exuerent. Tum ille candidè Christum quem in pyxide gestabat allocutus; serua te iam, inquit, mi DEVS! nam ego plura non possum. Interea pyxidem manu condidit, & quod mirè, tametsi totum exutum excusserint, ac vndequaque peruestigarint nemo tamen manum introspectit, nemo id quod vnum quærebatur à suspectantibus, deprehendit.

Euchar.

XIX. DIE IANVARIJ.

P. IACOBVS
LAGNEZ.

Hispanus
Romæ, 1565.
19. Ian.
B. V.

Morientis.

Plurimitas.

Sacrum.

S. P. Ign.

Proximus à S. P. Ignatio præfuit Societati vniuersæ Generalis. In Concilio Tridentino pro Immaculata DEIPARÆ Conceptione, doctè, fortiter, feliciter perorauit, ibi à modestia quoque ac sententijs eruditè dictis celebris. Omnium in Societate morientium nomina, vt seruarientur instituit. De illo ad Purpuram, imò & ad Pontificatum, promouendo actum: sed ille felici successu fugit, etiam cum XII. Cardinalium suffragatio illum ad summum Sacræ Sedis apicem postularet. Integritatis castissimæ laude ad mortem vsque conspicuus. In Monte Regali Moniales diserrè contestatæ sunt, in P. Iacobi Lagnez, cum coram illis diuinum Sacrificium celebraret, capite, conquiescentem columbam esse conspectam, quæ de Cælo descenderet. S. P. Ignatium sinu gestare visus est Patri

Sebastiano Romæo vltima Iunij. vixi veritatem explicuit dies 2, Iulij quâ Lagnez in Successorem electus Ignatij est, qui dicere solebat neminem vnum esse in Societate, cui plus quàm Lagnio debeat Societas Vniuersa: Lagnez vero aiebat B. Virginem datam à Deo Ignatio tanquam instrumentum eximie sanctitatis.

P. ALPHONSVS DE
SOTO COADIUT.

Perpetuo illi ad virtutem plusquam mediocrem stimulo fuit, quòd cum vehementissimo quopiam turbamento percussus Societatem olim deserere cogitasset, iamque portam aperuisset fugâ se in libertatem noxiam daturus, elegantem in porta cælestis venustatis paruulum viderit, qui portam occupans elato digito, ac severo vultu, minaciter illi quiddam innuens, illum salutariter conterritus, & vt pedem referret effecit.

Hispanus
Gadibus.
1571. 19. Ian.

Tentatio.
Vocatio.

Ille

Ille verè ita vixit vti decet sic in Societate retentum.

PETRVS HVCKMIS-
VVAGEN. COADIUT.

Germanus
Treviris.
2186. 19. Ian.
Confess.

Mortific.

Mors.

FRaternæ charitatis obsequijs inter domesticos peste contactos hoc die immortalis est Treviris an. 1586. Generalem confessionem tantâ lachrymarum & singultuum vi fecit, vt lachrymæ pœnitentis & Confessarij confunderentur. Flagellum ex hamatis ligulis ipse confecit, & quam potuit sæuitiam in semi-nectum corpus exercuit. Mortem suavissimè aridens obiit, cum amplexu stringeret crucifixum & diceret; IESV fili David miserere mei!

P. E D M V N D V S
AUGERIUS.

Gallus Co-
mi in Italia
19. Ian. 1591.
erat. plus-
quam 60.
Soc. plus-
quam 40.

RVsticis, at pijs ortus natalibus, & primus de Societate IESV Carolo IX. ac Henrico tertio Gallia Regibus à concionibus & Confessionibus fuit. Romæ ab ipso S. P. Ignatio in Societatem admissus. A morbo periculi pleno diuinitus momento sanatus est, concionator, professor, Superior, ope-

rarius, in singulis & omnibus excellens; in Gallia de fide catholica & de Societate mirificè meritis, ac ærumnis multifariam exercitis, & iam ab Hugonotis propè patibulo appendendus, non tamen appensus, quòd illum studerent sectæ suæ adiungere. Calumnias & quidquid ab hominibus venire mali potest animo erectior generosè pertulit. Comi supremum eger cæli symphoniam & choros beatarum mentium audiens id verbis quoque testatus est, & adiecit Abeamus ergò, abeamus. Angelos visos aiunt morientis lectum circumdare, vno stolam immortalitatis illi paratam ostentante. Tum conclauè ingressus cælitum ordo pulcherrimus, viâ splendidâ ad Cælum vsque porrectâ Edmundum vultu maiestatis gloriâ pleno deducebat ad Cælum, veste intus niueâ foris variâ magnificè coopertum pro præmio puritatis, & charitatis. Præcedebant suavissimè canentes paruuli, qui cum vt festinaret inuitabant ad mensam cælestem apparatus instructam, ad quam à Societatis IESV Patribus expectabatur Edmundus, qui & postea P. Clementi Puteano apparuit, & de adepta beata æternitate illum reddidit certiozem.

Fides.

Patientia.

Mors.

Cælum.

XX. DIE IANVARII.

P. ALEXANDER
VALIGNANUS.

Italus Ma-
cai. 20. Ian.]
1606.

Zelus anim.

ORientis Prouincialis, Visitator, & per 33. annos cultor magnanimus. Huius vitam complecti scribendo, esset operæ propemodum infinitæ. Indicæ, Iaponicæ, Sinicæ Epistolæ de illo multa narrant, quæ ferè sunt de illius zelo, fortitudine,

prudencia, item præclaro ad regendum ingenio. Quatuor Dynastas Regulorum legatos Romam ad Sedem Apostolicam ituros, in Europam adduxit. In Sinensis Regni velut limine, vt olim Sanctus Xaucius, magnam animam exhalauit, & suo nomine Societatis in Oriente fastos impleuit, sui quoque afflictatione, ac orandi studio per insignis.

E 2 MAN-